



ՍՓՅՈՒՌԱՀԱՅ ՈՒՍՈՒՑԻԶՆԵՐԻ ԱՅՑԵԼՈՒԹՅՈՒՆԸ ՄԱՅՐ ԱԹՈՒ

1986 թվականի օգոստոսի 27-ին Նորին Սուրբ Օծություն Տ. Տ. Վապգեն Ա Ամենայն Հայոց կաթողիկոսը Վեհարանում ընդունեց սփյուռքահայ ուսուցիչներին, որոնք Վեհափառ Հայրապետին բերեցին իրենց անկեղծ որդիական պգացումները և էջմիածնասեր հավատամքը:

Ուսուցիչների խոսմբը, թվով 51 հոգի, ժամանած աշխարհի տարբեր երկրներից, Հայաստան էր եկել Սփյուռքահայության հետ մշակութային կապի կոմիտեի հրավերով: Երևանում, ուսուցիչների կատարելագործման ինստիտուտի նախաձեռնությամբ, խմբի անդամների համար կազմակերպվեցին մի շարք դասախոսություններ, նաև այցելություններ՝ Սովետական Հայաստանի տարածքում գրտնրվող նշանավոր վանքերն ու պատմական հուշարձանները:

Վեհարանում, Վեհափառ Հայրապետի բարիգալստյան խոսքից հետո, Նորին Սրբությանը ներկայացվեցին խմբի անդամները:

Այնուհետև խմբի անդամների և Վեհափառ Հայրապետի միջև տեղի ունեցավ մըտերմիկ պրույց՝ հատկապես սփյուռքահայ դպրոցի հույոդ հարցերի մասին: Հարցապրույցի վերջում Նորին Սրբությունը նշեց, որ սփյուռքի հայկական համայնքներում շատ ապգային գործեր են կատարվում, բայց հայ ուսուցչի աշխատանքը ամենահերոսականն ու ամենանվիրականն է, որովհետև նա է, որ հայ մանուկների մեջ սերմանում է հայլեցի ոգին և մայրենի լեզվի սերը:

Խմբի անդամների կողմից երախտագիտության խոսք ասաց Լիբանանի Հ.Բ.Մ.-ի Լևոն Նապարյան վարժարանի հայերենի ուսուցչուհի Լուսինե Թախագյանը:

Սփյուռքահայ ուսուցիչները խոր գոհունակությամբ հրաժեշտ տվեցին Հայոց Հայրապետին՝ ընդունելով նրա օրհնություններն ու ջերմ մաղթանքները:

ԹԴԹԱԿԻՑ



Վերահիւան Հայրապետը սիրողական ուսուցիչների հետ